

Broj: 01-04-6-00631-4/2022
Sarajevo, 9.4.2022. godine

Na osnovu čl. 69. st. (1) tačka b) i st. (2) tačka e). čl. 70. st. (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja preporuke Komisije za javne nabavke broj 01-04-6-00631-3/2022 od 8.4.2022. godine, Direktor Federalne uprave za inspeksijske poslove, d o n o s i

O D L U K U

o poništenju otvorenog postupka za nabavku roba-gorivo i tečnosti za vjetrobranska stakla za potrebe službenih vozila Federalne uprave za inspeksijske poslove

I

Poništava se otvoreni postupak nabavke roba-gorivo i tečnosti za vjetrobranska stakla za potrebe službenih vozila Federalne uprave za inspeksijske poslove, za koji je obavještenje na portalu javnih nabavki BiH objavljeno dana 18.2.2022. godine, a 25.2.2022. godine u Službenom glasniku BiH broj 11/22, broj obavještenja 1292-1-1-1-3-3/22, iz razloga što je cijena prihvatljive ponude znatno veća od osiguranih sredstava za predmetnu nabavku.

II

Ova odluka će se u skladu sa odredbom člana 70. st. (6) Zakona o javnim nabavkama Bosne i Hercegovine objaviti na web stranici Federalne uprave za inspeksijske poslove..

III

Ova odluka stupa na snagu danom donošenja.

O b r a z l o ž e n j e

Otvoreni postupak uz primjenu e-aukcije za javnu nabavku roba-gorivo i tečnosti za vjetrobranska stakla za potrebe službenih vozila Federalne uprave za inspeksijske poslove pokrenuta je Odlukom o pokretanju postupka javne nabavke broj 01-04-6-00631/2022 od 2.2.2022. godine.

Vrijednost osiguranih sredstava za predmetnu nabavku iznosi 95.000,00 KM.

Dana 18.2.2022. godine na portalu javnih nabavki je izvršeno objavljivanje obavještenja o javnoj nabavci, a obavještenje je dana 25.2.2022. godine objavljeno u Službenom glasniku BiH broj 11/22, broj obavještenja 1292-1-1-1-3-3/22.

Javno otvaranje ponuda je izvršeno od strane komisije za javne nabavke dana 14.3.2022. godine, te je tom prilikom konstatovano da je u ostavljenom roku pristigla jedna ponuda, dok neblagovremenih ponuda nije bilo. Komisija za javne nabavke je izvršila otvaranje jedine ponude koju je dostavilo pravno lice „Hifa-petrol“ d.o.o. Sarajevo, te je tom prilikom u zapisniku sa otvaranja ponuda konstatovano da je navedeno pravno lice tražene robe ponudilo po ukupnoj cijeni od 110.020,00 KM bez uračunatog PDV-a, te da je na cijenu ponuđen popust u iznosu ud 1%, pa cijena sa uračunatim popustom iznosi 108.919,80 KM. Zapisnik sa otvaranja ponuda je odmah putem pošte upućen na adresu navedenog ponuđača.

Komisija je izvršila evaluaciju pristigle ponude, te je tom prilikom konstatovano da je ponuđač „Hifa-petrol“ d.o.o. Sarajevo dostavio kompletnu traženu dokumentaciju, te da je ista propisno popunjena, potpisana i ovjerena shodno zahtjevima tenderske dokumentacije. Obzirom da je u ostavljenom roku pristigla samo jedna ponuda, e-aukcija se nije mogla zakazati shodno odredbi člana 3. stav (3) Pravilnika o uslovima i načinu korištenja e-aukcije.

U daljem toku postupka komisija je razmatrala dostavljenu ponudu sa aspekta ponuđene cijene, te je tom prilikom konstatovala da je ista značajno veća od visine sredstava osiguranih za predmetnu nabavku. Također je utvrđeno da je ponuđač svoju ponudu bazirao na tržišnim cijenama roba koje su aktuelne na benzinskim pumpama, te da je ponuđen minimalni popust u iznosu od 1%.

Zaključeno je da je u prethodnom periodu ugovorni organ prilikom izbora najpovoljnijeg ponuđača dobivao značajne popuste na cijenu goriva, koji su u uslovima stalnih promjena cijena predmetnih roba na tržištu predstavljali najznačajniji aspekt i svrhu postupka javne nabavke, što je bilo opravdano obzirom na količine goriva koje su predmet nabavke. S tim u vezi, utvrđeno je da trenutni popust na tržišnu cijenu za nabavku goriva od strane ugovornog organa iznosi čak 16,68%.

Dakle, pored činjenice da je cijena jedine prihvatljive ponude značajno veća od visine sredstava osiguranih za predmetnu nabavku, ugovorni organ prilikom provođenja postupka javne nabavke mora voditi računa da se ostvari pravična i aktivna konkurencija, sa ciljem najefikasnijeg korištenja javnih sredstava u vezi sa predmetom nabavke i njegovom svrhom, što je opći princip javnih nabavki propisan članom 3. Zakona o javnim nabavkama.

S tim u vezi, direktoru Uprave je dostavljena preporuka da donese odluku o poništenju postupka javne nabavke, a u dostavljenoj preporuci komisija se referirala i na odredbu člana 69. stav (2) tačka e) Zakona o javnim nabavkama BiH kojom je propisana obaveza ugovornog organa da poništi postupak javne nabavke u situaciji kada su cijene ponuda značajno veće od osiguranih sredstava za predmetnu nabavku.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



DIREKTOR
Anis Ajdinović

Dostaviti:

1. „Hifa-petrol“ d.o.o. Sarajevo, Hotonj bb, 71320 Vogošća
2. Sektor za materijalno-finansijske poslove;
3. Sektor za tehničku podršku i plansko-analitičke poslove;
4. Komisija za javne nabavke (a/a).

FEDERALNA UPRAVA ZA INSPEKCIJSKE POSLOVE, 71000 Sarajevo, Fehima ef. Čurčića br. 6
Tel. 033 563 350, Fax 033 563 351, telefon za prijavu 033 226 644, web: www.fuzip.gov.ba